

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

Sadržaj biltena:

Savez održao Okrugli sto sa delegatima Parlamenta FBiH	1
Savez organizirao seminar o izmjenama koje donosi novi zakon o budžetima i implikacijama na JLS	2
Dom naroda Parlamenta FBiH prihvatio nacrt Zakona o izmjenama i dopunama Zakona o prihodnosti javnih prihoda	3
Održana naučna konferencija o lokalnom ekonomskom razvoju	3
Obavljen nadzorni audit u Općini Kakanj	4
Potpisan ugovor o uključanju Općine Tešanj u Projekat 'Vodoopskrba i odvodnja otpadnih voda u FBiH'	5
Općina Kakanj za ekološke projekte izdvojila više od 2 mil.KM	5
Općina Jajce finansijski pomaže samozapošljavanje	6
Općina Centar darovala 50.000 KM za obnovu bolnice u Bihaću	6
Kakanj nudi veliki broj pogodnosti za investitore	7
Vanredna situacija u K.Sarajevo zbog prisustva većeg broja pasa lutalica	8
Realizacija projekta upravljanja čvrstim otpadom u Općini Breza	8
INTERVJU: Ivan Vukadin, načelnik Općine Tomislavgrad	9
U toku radovi na postavljanju kanalizacionih cijevi u B.Petrovcu	10

Bilten Saveza općina i gradova Federacije Bosne i Hercegovine

SAVEZ ODRŽAO OKRUGLI STO SA DELEGATIMA PARLAMENTA FBiH

U cilju poboljšanja saradnje sa Parlamentom Federacije BiH, Savez općina i gradova FBiH po drugi put je održao Okrugli sto "Saradnja Saveza općina i gradova Federacije BiH i Parlamenta FBiH".

Skup je održan u Sarajevo, 19. septembra/rujna u hotelu Europa, a pored delegata Doma naroda Parlamenta FBiH, skupu je prisustvovao i jedan broj poslanika Predstavničkog doma Parlamenta FBiH, predstavnika Vlade FBiH i članova Predsjedništva Skupštine Saveza općina i gradova FBiH. Organizacija skupa pomognuta je kroz projekat "Razvoj kapaciteta saveza općina i gradova u BiH - CDMA", koji finansira Švedska međunarodna agencija za razvoj i saradnju (Sida), a implementira Međunarodna kooperativna agencija asocijacije holandskih općina - VNG-International.

Vesna Travljanin, direktorica Saveza na početku skupa je naglasila kako Savez radi na nizu zakona i propisa koji trebaju poboljšati položaj lokalne samouprave u sistemu BiH. „Kada to dođe do Parlamenta i Vlade FBiH želimo i hoćemo bolju saradnju i današnji skup je na tom fonu“.

„Savez ima dobru saradnju sa pojedinim federalnim ministarstvima i ta saradnja je u progresu. Potpisali smo Memorandum o razumijevanju s Vladom FBiH koji je organizacija Freedom House iz Vašingtona ocijenila kao pomak u saradnji u položaju lokalne samouprave u BiH. Međutim, da ne bismo ostali samo na potpisanom sporazumu, želimo da vidimo šta se u praksi konkretno može uraditi“, navela je direktorica Travljanin.

U toku razgovora predstavnici Saveza su izvijestili prisutne o aktuelnim pitanjima na kojima radi sa posebnim akcentom na potrebu saradnje sa parlamentarcima zbog niza aktivnosti koje vodi u oblasti zakonske legislative koja se tiče lokalne samouprave. Istaknuto je da zakonska rješenja za lokalni nivo još uvijek nisu na zadovoljavajućem nivou. Posebnu poteškoću predstavlja usvajanje zakonskih rješenja bitnih za lokalni nivo na Domu naroda.

Takođe, prisutni su upoznati i sa zakonima i politikama na kojima Savez općina i gradova FBiH radi u sklopu projekta „Načelnici za razvoj“ koji je podržan od strane Švicarske agencije za razvoj i saradnju SDC. To su: Zakon o međupćinskoj saradnji, Zakon o zaštiti i spašavanju i Zakon o finansiranju jedinica lokalne samouprave, te Politika lokalnog razvoja u FBiH i politika finkcionalne i fiskalne decentralizacije u FBiH. Istaknuto je da je rasprava o ovim zakonima i politikama već provedena, te da se njihova konačna verzija očekuje krajem oktobra mjeseca 2013.godine.

U toku diskusije izražena je zainteresovanost delegata za saradnju sa Savezom i spremnost da se razgovara o svakom zakonskom rješenju u okviru radnih tijela Parlamenta FBiH.

Delegat u Domu naroda Parlamenta FBiH Josip Perić, koji je 2000. godine bio jedan od promotora formiranja SOG FBiH, kazao je da zagovara još bolju promociju Saveza, odnosno da se lokalna samouprava u BiH stavi na veći nivo jer je to jedina garancija da će narod moći ostvarivati svoja prava.



„Općina je prvi kontakt svakog građanina gdje bi trebali rješavati 99 posto svojih prava i obaveza. Međutim, u današnjem ustrojstvu općina ima obaveze, a prava i prihodi idu negdje drugo, odnosno u entitete i kantone koji su u ovakvoj konstalaciji odnosa opterećenje za državu i pitanje je dana kada će doći do preustrojstva, koje će biti ekonomičnije i praktičnije i koje će služiti građanima“, dodao je Perić.



Sa Okruglog stola u Sarajevu, 19.09.2013. godine

Žepče, Tešanj i Teslić zajednički nastupaju
na međunarodnom sajmu općina 'NEXPO' u
Rijeci

10

Delegacija Općine Gradačac posjetila
partnerski grad Düren

11

Općine koje obilježavaju svoj Dan u mjesecu
oktobru/listopadu

12

Nakon diskusije, usvojeni su sljedeći zaključci:

1. Zakazivanje i održavanje ovog i ovakvih sastanaka je korisno i moglo bi u značajnoj mjeri unaprijediti saradnju između jedinica lokalne samouprave i federalnog nivoa vlasti. Ovakav vid saradnje sigurno bi ubrzalo procese donošenja kvalitetnih zakonskih rješenja koja bi bila, ne samo provodiva, već bi i doprinijela i unapređivanju ukupnog ambijenta u Federaciji Bosne i Hercegovine.

2. Ovakve sastanke treba i ubuduće organizirati, a na njima bi se:

a) analizirale aktivnosti u proteklom periodu, kako bi se evidentiralo šta je to urađeno;

b) dogovarale naredne aktivnosti koje treba pokrenuti i realizirati.

3. Nužno je, zajedničkim naporima, ubrzati donošenje zakona koji se nalaze u formi nacrtu (Zakon o šumarstvu, zakon o koncesijama, Zakon o premjeru i katastru nekretnina)

4. Nužno je zalagati se za zajedničko djelovanje i iznalaženje najboljih, efikasnih i racionalnih rješenja, uvažavajući interese i potrebe svih nivoa vlasti.

5. Ubrzati proces zaključivanja Sporazuma između Saveza općina i gradova FBiH i Parlamenta FBiH.



Prvi ovakav skup je održan 12. decembra/prosinca 2011. godine, kojom prilikom je prezentiran rad Saveza poslanicima iz Predstavničkog doma Parlamenta FBiH.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-ev.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

SAVEZ ORGANIZIRAO SEMINAR O IZMJENAMA KOJE DONOSI NOVI ZAKON O BUŽETIMA I IMPLIKACIJAMA NA JLS



Seminar na temu „Fiskalno izvještavanje u FBiH i izmjene koje donosi novi Zakon o budžetima u FBiH: Obaveze jedinica lokalne samouprave u Federaciji Bosne i Hercegovine“, namijenjen pomoćnicima načelnika za finansije/financije, održan je 24. septembra/rujna 2013. godine na Ilidži u organizaciji Saveza općina i gradova Federacije, a pod pokroviteljstvom projekta „Jačanje kapaciteta saveza općina i gradova u Bosni i Hercegovini“, koji finansira Švedska agencija za međunarodni razvoj i saradnju- Sida, a implementira VNG International.

Seminaru je prisustvovalo više od 60

predstavnika jedinica lokalne samouprave iz Federacije BiH. Prisutnima se u uvodnom dijelu obratio načelnik Općine Ilidža, dr. Senai Memić, kao načelnik općine koja je domaćin skupa.

Prvo izlaganje održao je gospodin Alija Aljović, pomoćnik ministra u Sektoru za budžet pri Federalnom ministarstvu finansija. Gospodin Aljović je u svom izlaganju posebno istakao suštinske promjene koje donosi novi Zakon o budžetima kao što je budžetski kalendar, fiskalna odgovornost itd. Nakon izlaganja pomoćnika ministra, uslijedila je diskusija koja je trajala više od jednog sata i u toku koje su predstavnici jedinica lokalne samouprave imali mogućnost da postave pitanja oko nedovoljno jasnih odredbi zakona. U toku diskusije, posebno je naglašena činjenica da Zakon nije prilagođen potrebama jedinica lokalne samouprave, te da je neophodno dodatno razraditi njegovu primjenu u općinama i gradovima kroz podzakonske akte.





Prisutni su imali priliku da čuju još dva izlaganja. Gospođa Naida Čaršimamović-Vukotić održala je prezentaciju na temu „Generalni problemi u analizi fiskalnih podataka sektora opšte vlade u FBiH“ u kojoj se osvrnula na problematiku nekvalitetnih fiskalnih podataka u Bosni i Hercegovini. Gospođa Jasmina Đikić izlagala je na temu „Problemi prilikom konsolidacije finansijskih izvještaja svih nivoa vlasti u FBiH i planirane izmjene nakon usvajanja novog Zakona o budžetima“. U svom izlaganju detaljno je obradila probleme prilikom konsolidacije koji se prvenstveno odnose na knjiženje transfera među različitim nivoima vlasti u FBiH.



DOM NARODA PARLAMENTA FBiH PRIHVATIO NACRT ZAKONA O IZMJENAMA I DOPUNAMA ZAKONA O PRIPADNOSTI JAVNIH PRIHODA

SARAJEVO, 26. septembar/rujan – Dom naroda Parlamenta Federacije BiH, nakon obavljene rasprave prihvatio je nacrt Zakona o izmjenama i dopunama Zakona o pripadnosti javnih prihoda u Federaciji BiH uz zaključak kojim se predlagač zadužuje da provede javnu raspravu u trajanju od 60 dana, te kojim se Vlada FBiH zadužuje da nakon popisa stanovništva pripremi novi zakon. Ministar finansija FBiH Ante Krajina obrazložio je ovaj prijedlog, rekavši da su se ovim izmjenama i dopunama nastojali ispraviti određeni nedostaci aktuelnog zakona, te da se u sistemske promjene nije ulazilo iz razloga što se veće izmjene ne mogu rješavati u ovom momentu, prije svega zbog predstojećeg popisa stanovništva i njegovih rezultata.

Federalno ministarstvo prilikom izračuna koeficijenata za raspodjelu sredstava sa jedinstvenog računa prema kantonima i općinama koristi podatke Federalnog zavoda za statistiku i jedan od glavnih kriterija raspodjele je procijenjeni broj stanovnika. S obzirom na to da bi rezultati popisa trebali biti poznati krajem 2013., nije bilo realno pristupiti značajnim izmjenama zakona, a iste će morati biti urađene nakon popisa.

Predloženim izmjenama, pored ostalog, nastoji se poboljšati situacija Posavskog kantona, čiji prihodi nisu dostatni za finansiranje njegovih osnovnih funkcija, pa je predviđeno povećanje koje bi na osnovu prihoda od poreza trebalo ubuduće doznakačavati ovom kantonu. Kako je rekao ministar Krajina, ovo povećanje izveli bi solidarno drugi kantoni.

Također, cilj je bio i uključiti Grad Sarajevo i općine Kantona Sarajevo u direktnu raspodjelu sa nivoa Federacije, te ih tako dovesti u isti položaj sa ostalim općinama u FBiH.



ODRŽANA NAUČNA KONFERENCIJA O LOKALNOM EKONOMSKOM RAZVOJU



U Sarajevu je, 20. septembra/rujna održana treća međunarodna naučna konferencija koja se bavi lokalnim i ekonomskim razvojem. Glavna tema Konferencije je lokalni ekonomski i infrastrukturni razvoj jugoistočne Evrope u procesu pridruživanja Evropskoj Uniji. Ova tema sublimira i odražava ekonomske i političke pristupe temama bitnim za lokalni razvoj (općina i gradova):

1. Upravljanju i strateškom planiranju lokalnog ekonomskog razvoja
2. Finansiranju lokalnog ekonomskog i

infrastrukturnog razvoja

3. Ulozi civilnog društva u razvoju lokalne ekonomije i infrastrukture
4. Lokalnim zajednicama i teritorijalnoj organizaciji





Sa naučne konferencije -
Sarajevo, 20.09.2013

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

U okviru konstitutivnih i pravnih aspekata razvoja lokalne ekonomije i infrastrukture autori su raspravljali o konstitutivnoj i pravnoj ulozi lokalne uprave u ekonomskom i strukturnom razvoju općina i gradova, ulozi općinskih načelnika i gradonačelnika u razvoju lokalne ekonomije i infrastrukture, institucionalnim oblicima i okvirima implementacije regionalnog razvoja, lokalnom ekonomskom razvoju i modernizaciji lokalne uprave te konstitutivnom i pravnom položaju općinske i gradske uprave u strateškom planiranju i promoviranju lokalnog ekonomskog i infrastrukturnog razvoja.

Među velikim brojem učesnika konferencije, kao što su akademici, profesori, članovi univerziteta, istraživači, kreatori politike na lokalnom, gradskom, regionalnom i državnom nivou, bio je i načelnik Općine Domaljevac –Šamac Željko Josić koji je govorio o ulozi općinskog vođstva u lokalnom ekonomskom i infrastrukturnom razvoju.

U uvodnom dijelu Konferencije, prisutnima se obratila i gđa Vesna Travljanin, direktorica Saveza općina i gradova FBiH.

Konferenciji je prisustvovalo i više načelnika, među kojima su bili i Muhamed Ramović, Armin Halitović, Admir Hadžiemrić, Refik Lendo, Nermin Mandra

Neke od preporuka istraživanja, prezentiranih i razmatranih u sklopu konferencije, jesu da se općinama i gradovima treba zakonski omogućiti povoljnije učešće u raspodjeli javnih prihoda, te pristup nacionalnom tržištu kapitala, uključujući i kredite, kao i da općine trebaju zajednički formirati agencije za lokalni ekonomski i infrastrukturni razvoj, koje bi na profesionalnoj i stručnoj osnovi oblikovale projekte i omogućile općinama da imaju pristup evropskim fondovima, a sve imajući u vidu iskustvo razvijenih evropskih zemalja koje su vlastiti sveukupni razvoj temeljile upravo na razvoju lokalnih zajednica.

Kao rezultat Konferencije, štampan je zbornik radova koji sadrži tekstove autora iz Italije, Slovenije, Hrvatske, Srbije, Makedonije, Crne Gore i Bosne i Hercegovine.

Radove je anonimno recenzirala grupa međunarodnih recenzenata, a Zbornik će biti indeksiran u EBSCO Publishing i C.E.E.O.L-u (Central and Eastern European Online Library) i katalogiziran u CIP-u i COBISS-u s ISBN brojem.

Drugi dan Konferencije, 21. septembra/rujna, bio je predviđen za Forum gradonačelnika. Ideja je da se Forum gradonačelnika organizira svake godine i da postane mjesto razmjene iskustava i traženja odgovora na najvažnija pitanja lokalnog, gradskog i regionalnog razvoja u kontekstu pristupa Evropskoj Uniji, novog razvojnog okvira i novih pristupa. Forum je bio fokusiran na pitanja unapređenja prekogranične saradnje gradova i općina zemalja regiona te na mogućnosti njihovog umrežavanja radi zajedničkog nastupa na projektima koji bi bili finansirani iz IPA-fondova i orijentirani ka procesu približavanja članstvu u EU.

Organizatori Konferencije su Akademija nauka i umjetnosti Bosne i Hercegovine (ANUBiH), Hrvatska akademija znanosti i umjetnosti, Univerzitet u Bolonji, Ekonomski fakultet Univerziteta u Sarajevu, Institut za ekonomiju Sarajevo, Fakultet političkih nauka Univerziteta u Sarajevu i Centar za razvoj lokalne i regionalne samouprave.

Ovo je treća međunarodna naučna konferencija o lokalnom i regionalnom razvoju od 1995. godine, što odražava Akademijin poseban interes i tradiciju u istraživanju lokalnog, urbanog i regionalnog razvoja. Akademija, odnosno Odjeljenje društvenih nauka, više od šest decenija bavi se istraživanjem problema lokalnog, urbanog, gradskog i regionalnog razvoja.

Održavanje konferencije podržalo je Federalno ministarstvo okoliša i turizma, JP Elektroprivreda BiH, BH Telecom d.d. Sarajevo, ITC d.o.o. Zenica, Grad Sarajevo, Vlada Kantona Sarajevo - premijer, Vlada Federacije Bosne i Hercegovine – premijer, Općina Centar Sarajevo, Općina Novi Grad Sarajevo, Općina Ilidža, Općina Gračanica te Savez općina i gradova Federacije BiH, kao i Savez opština i gradova Republike Srpske.

OBAVLJEN NADZORNI AUDIT U OPĆINI KAKANJ

Švicarska certifikacijska kuća SGS (Societe Generale de Surveillance SA), sa sjedištem u Ženevi, izvršila je proteklih nekoliko dana, putem svog sarajevskog predstavništva, nadzorni audit u Općini Kakanj, kako bi se provjerilo da li su sve procedure usklađene sa zahtjevima standarda ISO 9001:2008.

Nadzorni audit je potvrdio da je Općina Kakanj efektivno primijenila planirani sistem upravljanja, da je sistem upravljanja sposoban ostvariti ciljeve i politiku organizacije i da je u skladu sa zahtjevima standarda, te da će i dalje biti ponosni nosilac prestižnog standarda ISO 9001:2008.

Podsjetimo, SGS je dodijelio Općini Kakanj certifikat ISO 9001:2008 za aktivnost "Realizacija lokalne uprave i samouprave". Certifikat važi do 26. jula 2014. godine i ostaje na snazi pod uslovom zadovoljavajućih rezultata nadzornih audita.

Dobijanje certifikata i potvrda nadzornog audita da se poštuje standard ISO 9001:2008, za Općinu Kakanj predstavlja veliku čast i zadovoljstvo, ali i obavezu da se nastavi putem kontinuiranog poboljšanja kvalitete pružanja usluga građanima općine Kakanj.



Savez / Zajedno za uređenu i razvijenu lokalnu samoupravu

POTPISAN UGOVOR O UKLJUČENJU OPĆINE TEŠANJ U PROJEKT 'VODOOPSKRBA I ODVODNJA OTPADNIH VODA U FBiH'



SARAJEVO, 19. septembar/rujan – Predstavnici Federalnog ministarstva poljoprivrede, vodoprivrede i šumarstva i Općine Tešanj potpisali su danas u Sarajevu ugovor o kreditu u vrijednosti od 12.893.432 eura, na osnovu kojeg će se Tešanj zvanično uključiti u Projekat "Vodoopskrba i odvodnja otpadnih voda u Federaciji BiH".

Ugovor su potpisali načelnik Općine Tešanj Suad Huskić i šef Jedinice za upravljanje projektom "Vodoopskrba i odvodnja otpadnih voda u FBiH" Sanja Terzić. Kako je kazala S. Terzić, ukupna vrijednost

projekta je 121 milion eura za cijelu FBiH, od čega se na općinu Tešanj odnosi 12.893.432 eura, a kreditno zaduženje za tu općinu iznosi 4,8 miliona eura.

"U ovaj projekat uključeno je 20 općina u FBiH, od čega je sa njih 14 već potpisan ugovor. Radovi su počeli u općinama Orašje, Široki Brijeg i Bosanski Petrovac, a objavljeni su tenderi u općinama: Čitluk, Velika Kladuša i Konjic. U ovom mjesecu će biti objavljeni tenderi u općinama Doboj Jug, Prozor-Rama, Lukavac i Gračanica. Za ulazak u projekat pripremljen je i Grad Mostar", pojasnila je S. Terzić.

Dodala je da se projekat 50 posto finansira kreditnim sredstvima, a ostalo su grantovi i sredstva općina.

Nakon potpisivanja ugovora, načelnik Huskić je istakao značaj ovog projekta za općinu Tešanj, za koji se pripremaju već duže vrijeme.

"Potpisivanjem ugovora o kreditiranju prešli smo u novu fazu iza koje će uslijediti ugovaranje i početak radova. Ovo je, generalno, konačan plod strateškog opredjeljenja i vizije Općine Tešanj - 'Tešanj, sredina ekološke svijesti, čistoće i reda'. Nadam se da će realizacija projekta proći jednako uspješno i efikasno kao i u drugim općinama", rekao je načelnik Huskić.



Grb Općine Tešanj

OPĆINA KAKANJ ZA EKOLOŠKE PROJEKTE IZDVOJILA VIŠE OD 2 MIL. KM



Kakanj

U skladu sa temeljnim opredjeljenjem da se intenzivno i kontinuirano radi na unapređenju ekološke slike Kaknja, Općina Kakanj tokom 2013. godine realizira nekoliko ekoloških projekata čija je ukupna vrijednost 2.152.000,00 KM.

Kroz Program utroška namjenskih sredstava za zaštitu okoline za 2013. godinu 400.000 KM je izdvojeno za projekat uspostave procesa integralnog upravljanja otpadom na području općine Kakanj. Od ovog iznosa, 70.000 KM se odnosi na subvencioniranje odvoza smeća iz najudaljenijih područja. U toku je procedura javne nabavke 55 metalnih kontejnera za otpad, 14 samootovarnih kontejnera, 50 metalnih

košarica za otpad, specijalnog vozila za odvoz smeća (sa nadogradnjom), kamiona-kipera za odvoz smeća, te vozila za odvoz smeća "pick-up", navodi se na općinskoj web stranici.

Ovim projektom je planirano da uspostava procesa integralnog upravljanja otpadom obuhvati novih 11 mjesnih zajednica, uz 19 mjesnih zajednica u kojima već postoji organizirani odvoz smeća. Tako će se postojeći sistem prikupljanja otpada, koji pokriva 48% od ukupnog broja stanovnika Kaknja, proširiti, te će pokrivati 85% od ukupnog broja stanovnika.

Planirano je da se narednih godina još povećava opseg odvoza otpada i da u konačnici obuhvati svih 37 kakanjskih mjesnih zajednica.

U toku je i tenderska procedura izbora izvođača radova na proširenju sistema daljinskog grijanja u MZ Kakanj II. Za realizaciju projekta predviđen je iznos od 1.000.000 KM. Cilj projekta je smanjiti zagađenje uzrokovano radom mini kotlovnica na području MZ Kakanj II.

"... Općina Kakanj tokom 2013. godine realizira nekoliko ekoloških projekata čija je ukupna vrijednost 2.152.000,00 KM."



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipabc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Za izradu projektno-tehničke dokumentacije za proširenje sistema daljinskog grijanja na području općine Kakanj Programom je planirano izdvajanje od 250.000 KM.

U skladu sa činjenicom da je potpisnica sporazuma "Covenant of Mayors" koji znači obavezu ostvarivanja ciljeva energetske politike Evropske unije u smislu redukcije emisije CO2 kroz povećanu energetska efikasnost, čistiju proizvodnju i korištenje energije, Općina Kakanj je već započela sa aktivnostima na provedbi zamisli pomenutog sporazuma.

Sa ciljem povećanja energetske efikasnosti objekta Dom kulture u Kakanju, Programom je izdvojen iznos od 327.000 KM.

Osim toga, Općina Kakanj je započela aktivnosti na izradi Održivog energetskog akcionog plana (Sustainable Energy Action Plan – SEAP). Pomoć pri izradi SEAP-a Općini Kakanj pruža Njemačka organizacija za razvojnu saradnju "Deutsche Gesellschaft für Internationale Zusammenarbeit" (GIZ).

Općina Kakanj realizira i druge ekološke aktivnosti. Tokom Evropske sedmice mobilnosti koja se obilježava od 16. do 22. septembra, javnosti je predstavljen projekat izgradnje biciklističke staze u Kakanju. Naime, Kakanj bi do zime trebao dobiti biciklističku stazu dužine 945 m. Staza će se prostirati kroz gradsku jezgru. Bit će to poklon preduzeća "Trgošped" građanima Kakanja.

OPĆINA JAJCE FINANSIJSKI POMAŽE SAMOZAPOŠLJAVANJE

JAJCE, 23. septembar/rujan – Općinski načelnik Edin Hozan potpisao je Ugovore o sufinansiranju samozapošljavanja sa 14 korisnika. Radi se o finansijskoj podršci na bespovratnoj osnovi za samozapošljavanje nezaposlenih lica. U tu svrhu iz Budžeta Općine Jajce, po prvi put, biće izdvojeno gotovo 50.000 KM po osnovu sufinansiranja samozapošljavanja u oblasti poljoprivrede, zanatstva i malog biznisa.

Vrijednost svakog pojedinačnog ugovora iznosi 3.500 KM i predstavlja stimulaciju korisniku za uspostavljanje i obavljanje samostalne djelatnosti. Program ima za cilj potporu poljoprivredi i ruralnom razvoju kao i razvoju zanatstva i malih preduzeća. Želja nam je da na ovaj način, kroz jednogodišnje sufinansiranje, pomognemo u pokretanju malih obrta i zapošljavanju, posebno vodeći računa kako o mladima, tako i o ljudima kojima nedostaje malo do ostvarivanja prava na penzionisanje, između ostalog naglasio je Načelnik Hozan i izrazio nadu da će projekat pokazati svoju opravdanost i otvoriti vrata novim projektima ove vrste.

Samozapošljavanje u poljoprivredi i malom biznisu podrazumijeva poticajna sredstva za registraciju poljoprivrednih gazdinstava i malog biznisa za nezaposlene osobe koje imaju osnovne pretpostavke za bavljenje istim. Korisnici sredstava obavezuju se da će samostalnu djelatnost obavljati najmanje dvanaest mjeseci i za taj period izvršavati redovne poreske obaveze.



OPĆINA CENTAR DAROVALA 50.000 KM ZA OBNOVU BOLNICE U BIHAĆU



BIHAĆ, 20. septembar/rujan – Općina Centar je uplatila 50.000 KM kao pomoć u obnovi Kantonalne bolnice "Dr. Irfan Ljubijankić" u Bihaću, koja je pretrpjela ogromnu materijalnu štetu u požaru 26. jula ove godine.


Tim povodom danas je načelnik Općine Bihać, Emdžad Galijašević, ugostio delegaciju Općine Centar Sarajevo predvođenu dr. Nedžadom Ajnadžićem,

dopredsjedavajućim OV Centar Sarajevo. U delegaciji Općine Centar su bili i vijećnici Velija Katica i Suvad Kerla, savjetnik općinskog načelnika Mustafa Resić i pomoćnik načelnika za lokalnu samoupravu Adil Katica.

Načelnik Galijašević je istakao kako je ovo do sada najveća donacija od općina u Bosni i Hercegovini. „Nakon požara u bihaćkoj kantonalnoj bolnici javljaju nam se iz dana u dan naši prijatelji iz svih dijelova Bosne i Hercegovine i Hrvatske i pomažu nam u prikupljanju sredstava za obnovu. Svima njima veliko hvala u ime svih građana Bihaća, jer je naša kantonalna bolnica

Savez / Zajedno za uređenu i razvijenu lokalnu samoupravu





institucija od strateškog značaja koja pruža zdravstvene usluge za 300.000 stanovnika. Što prije moramo riješiti obnovu krova kako kiša i hladnoće ne bi napravile još veću štetu od one do sada, koja je procijenjena na 1,3 miliona KM", kazao je načelnik Bihaća.

Inače, općinsko vijeće Centar je na 9. sjednici, održanoj 29. jula/srpnja 2013. godine, usvojilo inicijativu vijećnika Amera Herende da se iz budžeta Općine Centar, u skladu sa mogućnostima, izdvoje sredstva za pomoć u sanaciji šteta od velikog požara u kojem je izgorila centralna zgrada kantonalne bolnice u Bihaću.

KAKANJ NUDI VELIKI BROJ POGODNOSTI ZA INVESTITORE



**Nermin Mandra, načelnik
Općine Kakanj**

Sa ciljem stvaranja povoljnog ambijenta za investiranje u Kaknju i otvaranja novih radnih mjesta, Općina Kakanj je poduzela brojne korake. Posebnu pažnju zaslužuje širok spektar pogodnosti koje su omogućene investitorima.

Pogodnosti se odnose na investitore koji grade na području općine Kakanj, na zemljištu sa pravom korištenja ili na zemljištu u privatnom vlasništvu.

Za gradnju objekta od 100 kvadratnih metara neto građevinske površine investitoru pripada poticaj u vidu povrata novčanih sredstava u iznosu od 30 % naknade koja se obračunava za rentu i naknadu za uređenje gradskog građevinskog zemljišta.

Za gradnju objekata od 100 do 200 kvadratnih metara neto građevinske površine investitoru pripada poticaj u vidu povrata novčanih sredstava u iznosu od 50 % naknade koja se obračunava za rentu i naknadu za uređenje gradskog građevinskog zemljišta.

Za gradnju objekata od 200 do 500 kvadratnih metara neto građevinske površine investitoru pripada poticaj u vidu povrata novčanih sredstava u iznosu od 70 % naknade koja se obračunava

za rentu i naknadu za uređenje gradskog građevinskog zemljišta.

Za gradnju objekata preko 500 kvadratnih metara neto građevinske površine investitoru pripada poticaj u vidu povrata novčanih sredstava u potpunom iznosu visine naknade koja se obračunava za rentu i naknadu za uređenje gradskog građevinskog zemljišta.

Osim toga, pravo na poticaj u vidu oslobađanja od plaćanja naknade za korištenje gradskog građevinskog zemljišta i komunalne naknade stiže investitor za parcelu na kojoj gradi objekat u periodu od 5 godina od dana pribavljanja odobrenja za upotrebu objekta.

Odlukom o općinskim taksama na istaknutu firmu određeno je i umanjenje visine taksi u većini djelatnosti, te oslobađanje pojedinih taksenih obveznika u potpunosti ili za određeni period.

Od plaćanja takse oslobođeni su samostalni poljoprivredni proizvođači u osnovnom zanimanju, deficitarna zanimanja (mlinar vođeničar, krojač, obuçar, sahadžija, stakloreca, uzgoj pčela...), fotografska djelatnost itd.

Osim toga, takseni obveznici koji su počeli sa obavljanjem registrirane djelatnosti u toku tekuće godine oslobađaju se plaćanja takse na istaknutu firmu za tu godinu.

Pored ovog oslobađanja, od obaveze plaćanja takse oslobođena su pravna i fizička lica koja registriraju proizvodne djelatnosti, za prvu godinu 100 %, a za drugu godinu 50 % od ukupnog iznosa taksene obaveze.

Osim pogodnosti za investitore, Općina Kakanj realizira i druge aktivnosti koje su usmjerene na jačanje poduzetništva i nova zapošljavanja.

U svrhu razvoja poduzetništva i obrta iz Budžeta Općine Kakanj za 2013. godinu izdvojeno je 90.000 KM. Ova sredstva su opredjeljena:

- za realizaciju projekta "Pokreni svoj posao u Kaknju" koji nezaposlenim osobama, kroz nekoliko ciklusa u toku godine, omogućava obuku u pisanju poslovnih planova, nagrađivanje najkvalitetnijih planova inicijalnim sredstvima za osnivanje i početak rada (prvorangirani 6.000 KM; drugorangirani 5.000; trećerangirani 4.000), te pomoć pri registraciji firme,
- za refundacija troškova osnivanja obrtničkih radnji (osim trgovina i ugostiteljskih radnji) i dijela troškova osnivanja preduzeća,
- za sufinansiranje dijela troškova zakupa poslovnog prostora obrtničkim radnjama (osim trgovina i ugostiteljskih radnji) i preduzećima "d.o.o." koji registriraju djelatnost i firmu na području općine Kakanj u 2013. godini.



Grb Općine Kakanj



Kakanj



Kakanj

U saradnji sa Njemačkom nevladinom organizacijom "Help" Općina Kakanj je realizirala prvu fazu projekta pomoći pokretanju i jačanju poduzetništva. Vrijednost prve faze projekta iznosila je 120.000 KM (donirani motokultivatori, platenici, steone krave, oprema za zanatsku djelatnost, košnice sa pčelama...). Nakon realizacije prve faze potpisan je ugovor o nastavku projekta u vrijednosti od 200.000 KM. Projekat će u drugoj fazi pomoći ukupno 40 korisnika u općini Kakanj. U Budžetu Općine Kakanj osigurana su i sredstva za podršku poljoprivrednoj proizvodnji. U svrhu poticaja poljoprivrednoj proizvodnji iz Budžeta Općine Kakanj za 2013. godinu izdvojeno je 140.000 KM.

Akcentiramo još jednu dobru praksu zabilježenu u Kakanju. Naime, sa temeljnim opredjeljenjem da je svako radno mjesto bitno i da kontinuirano treba biti na usluzi privredi, u Općini Kakanj se svaka tri mjeseca održavaju sastanci sa predstavnicima velikih firmi, poduzetnicima i ugostiteljima gdje se razmatraju aktuelna pitanja i zajedno definiraju smjernice za razvoj privrede.

U Općini Kakanj je imenovan i Tim za otklanjanje administrativnih barijera na čijem je čelu općinski načelnik Nermin Mandra.

VANREDNA SITUACIJA U KANTONU SARAJEVO ZBOG PRISUSTVA VEĆEG BROJA PASA LUTALICA

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmedmed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

SARAJEVO, 18. septembar/rujan – U

Kantonu Sarajevo je vanredna situacija zbog prisustva sve većeg broja pasa lutilica, koji ugrožavaju život i zdravlje ljudi – ocijenjeno je na sastanku održanom danas u prostorijama Gradske uprave, kojeg je inicirao gradonačelnik Ivo Komšić, a prisustvovali su kantonalni premijer Suad Zeljković, nadležni ministri, načelnici gradskih općina, te predstavnici Veterinarske stanice i Veterinarske inspekcije KS. Na temelju toga je zaključeno da Vlada Kantona Sarajevo donese po hitnom postupku uredbu kojom bi se regulisalo uklanjanje pasa lutilica sa sarajevskih ulica. Također je dogovoreno da se na temelju nje donesu i vanredne mjere, u čiju realizaciju bi bili uključeni veterinar i veterinarski inspektori, kafilerija KJKP "Rad" i higijenski servis za hvatanje pasa, koji je nedavno osnovala Općina Novi Grad.



Kako bi se na adekvatan i sistemski način riješio problem pasa lutilica, koji predstavljaju opću opasnost za građane, a pogotovo djecu, koja sve manje imaju prostora za igru u devastiranim i kontaminiranim parkovima i trgovima, a i zabilježen je u posljednje vrijeme veći broj ujeda (450), učesnici današnjeg sastanka su se jednoglasno složili da se i aktivira postupak za izmjenu i dopunu državnog Zakona o dobiti životinja, kao i njegovo usaglašavanje sa zakonima država u regiji, koji uređuju ovu problematiku.

REALIZACIJA PROJEKTA UPRAVLJANJA ČVRSTIM OTPADOM U OPĆINI BREZA

BREZA, 16. septembar/rujan – Švedska delegacija za upravljanje čvrstim otpadom u BiH „Grontmij“, kao implementator Programa koji je pokrenula švedska razvojna agencija SIDA, boravila je u općini Breza i tom prilikom upoznala Općinskog načelnika Halila Tuzlića i njegove pomoćnike o cilju Programa, navodi se na općinskoj web stranici. Konstatirano je da Budžet za realizaciju ovog projekta u našoj zemlji iznosi 7,5 miliona eura i da će biti implementiran u dvije faze.

U prvoj fazi predviđena je obuka tokom koje su učesnici u projektu dužni ovladati potrebnim vještinama priprema projekta. Općina Breza također je obavezna izraditi Općinski plan upravljanja čvrstim otpadom. Članovi delegacije Mikael Boldt i Silvija Mikulić istakli su prioritetan značaj Programa u povećanju svijesti i transparentnosti na svim nivoima sektora upravljanja otpadom, što je važan preduvjet za proces integracije BiH prema EU.

Sa sastanka načelnika sa
švedskom delegacijom

INTERVJU: IVAN VUKADIN, NAČELNIK OPĆINE TOMISLAVGRAD

Razgovarao: Delvin KOVAČ



Ivan Vukadin, načelnik Općine
Tomislavgrad

SARAJEVO, 25. SEPTEMBRA (ONASA) - Načelnik Općine Tomislavgrad Ivan Vukadin u intervjuu za Agenciju ONASA govori, između ostalog, o radu lokalne vlasti u ovoj godini, već realiziranim i planiranim projektima, stanju u oblasti ekonomije i zapošljavanja, sanaciji gradskih ulica...

ONASA: Kako biste ocijenili rad Općine Tomislavgrad u 2013. godini i koji su najznačajniji projekti koje ste realizirali ili čija je realizacija počela u proteklom razdoblju?

VUKADIN: Tekuću godinu će definitivno obilježiti početak radova na rekonstrukciji vodovodne i kanalizacijske mreže u Tomislavgradu. Vrijednost ovih radova je 1,33 miliona KM, a u ovoj fazi radovi se izvode u samom središtu grada. Nažalost, zbog brojnih razloga, kreditna sredstva Europske

investicijske banke (EIB) nismo uspjeli aktivirati, no ove radove izvodimo zahvaljujući vlastitim i sredstvima Fonda za zaštitu okoliša Federacije BiH (400.000 KM).

Uz navedeno, radi se na nastavku izgradnje vodovodne mreže koja zahtijeva dosta vremena i novca, jer, ne zaboravite, općina Tomislavgrad se prostire na 967 km².

ONASA: Na čemu će biti naglasak rada lokalne vlasti u narednom razdoblju?

VUKADIN: Kao što sam već rekao, ove su godine započeli radovi u gradu na izgradnji vodovodne i kanalizacijske mreže. O koliko velikom poslu se radi govori i podatak da je iznos sredstava koja smo planirali uložiti preko EIB-a četiri miliona eura. Uz nastavak ovoga posla, prioritet nam je završiti vodovodni sustav Duvanjski prsten, kako bi konačno sva naselja u našoj općini dobila kvalitetnu opskrbu pitkom vodom. A, na dobrom putu smo da to i uspijemo.

ONASA: Koji su najznačajniji privredni subjekti na području općine Tomislavgrad?

VUKADIN: Sve do ove godine najveći gospodarski subjekt na prostoru naše općine bila je Tvornica kabela Kapis-TKT, koja je zapošljavala 235 ljudi. No, posljedice gospodarske krize su utjecale na njeno poslovanje. Dakako, tu su brojni veći i manji obrti, kao i brojni poljoprivredni proizvođači, među kojima se ističe posebno Farma Tomislavgrad, koja u svome kompleksu broji nekoliko stotina grla stoke.

Za razliku od ostalih gradova u BiH, bivša država nije ulagala velike novce u proizvodne pogone, tako da su ljudi oduvijek bili prepušteni sami sebi i snalazili su se kako su umjeli. To se, u jednu ruku, pokazalo i dobrim. Jer, kako kažu, u svakom zlu ima i nešto dobra.

ONASA: Koje grane privrede imaju najveće potencijale za ulaganje u Tomislavgradu i šta Općina čini kako bi privukla investitore?

VUKADIN: Kako bi privukla investitore, Općina Tomislavgrad je još u travnju 2010. godine smanjila cijenu zemljišta za sve proizvodne pogone na 1KM/m². Posljedice, ali one pozitivne, donošenja jedne ovakve odluke su odmah bile vidljive, tako da su do kraja iste godine sva slobodna zemljišta na gospodarskoj zoni Vučji brig (pet kilometara od Tomislavgrada, uz magistralnu cestu prema Posušju) bila kupljena, te smo 2011. godine krenuli u njeno proširenje. Napomenimo samo da na ovoj zoni svaki ozbiljni investitor ima riješenu svu komunalnu infrastrukturu.

Što se tiče dijela pitanja u vezi najvećih potencijala za ulaganje, smatramo da je budućnost općine Tomislavgrad u proizvodnji obnovljivih izvora energije, prije svega, iz energije vjetra, ali i vode (primjer CHE Vrilo, MRE Mokronoge). Zainteresiranih investitora imamo i sve što je bilo u nadležnosti Općine stavljeno je svim zainteresiranim investitorima u službu.

ONASA: Prema Vašem mišljenju, koji su najčešći problemi sa kojima se suočava općina Tomislavgrad?

VUKADIN: Naravno, kao i u svim općinama u BiH, najveći problem je nezaposlenost.

ONASA: Kako biste ocijenili trenutnu ekonomsku situaciju na području Vaše općine?

VUKADIN: Već sam rekao da je nezaposlenost veliki problem svugdje, pa tako i ovdje. No, kad bi svi planirani projekti, prije svega mislim na projekte proizvodnje energije iz obnovljivih izvora energije, krenuli onako kako bismo mi željeli, siguran sam da bi stvari krenule puno boljim tijekom.

"Kako bi privukla investitore, Općina Tomislavgrad je još u travnju 2010. godine smanjila cijenu zemljišta za sve proizvodne pogone na 1KM/m². Posljedice, ali one pozitivne, donošenja jedne ovakve odluke su odmah bile vidljive, tako da su do kraja iste godine sva slobodna zemljišta na gospodarskoj zoni Vučji brig (pet kilometara od Tomislavgrada, uz magistralnu cestu prema Posušju) bila kupljena, te smo 2011. godine krenuli u njeno proširenje."



Tomislavgrad



Grb Općine Tomislavgrad

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

ONASA: Da li ste zadovoljni stepenom zaposlenosti na području općine i šta općinska vlast planira uraditi na poboljšanju stope zaposlenosti, posebno mladih i obrazovanih kadrova?

VUKADIN: Naravno da ne. No, sve općine, pa tako i ova, ne mogu otvarati velike pogone i tvornice, jer je prošlo vrijeme upravljanja, državne ekonomije. No, mogu, i to stalno činimo, sukladno svojim mogućnostima izlaziti u susret zainteresiranim investitorima koji žele ovdje ulagati. Već sam spomenuo opravdanost donošenja Odluke o smanjenju cijene zemljišta za proizvodne pogone. Samo jedan primjer - zahvaljujući donošenju ovakve odluke tvrtka iz Belgije, koja se bavi proizvodnjom opruga, pokrenula je 2011. pogon u Tomislavgradu. Trenutno ovdje radi pet ljudi, no, kako su me izvijestili, planirano je dodatno zapošljavanje još djelatnika. Ovo je svijetao primjer, no ne i jedini.

ONASA: Izjavili ste da je cjelovita sanacija gradskih ulica u Tomislavgradu planirana u projektu rekonstrukcije/izgradnje vodovodne i kanalizacijske mreže. Dokle se stiglo na tom planu?

VUKADIN: Radovi su počeli tek sredinom srpnja (tada je tek završena sva potrebna zakonska procedura postupka javne nabave), i, budući da se radi o samome središtu grada, zahtijevaju dosta opreza. Rok završetka je šest mjeseci, no najvažnije je u svemu tome da radovi budu izvedeni kvalitetno i na tome ćemo sigurno insistirati.

ONASA: Kako ocjenjujete suradnju Općine Tomislavgrad sa Savezom općina i gradova Federacije BiH (SOGFBiH)?

VUKADIN: Suradnja je odlična. U svim stvarima koje se tiču odnosa ove jedinice lokalne samouprave (općine) spram ostalih razina vlasti (županija, Federacija BiH, država), u SOGFBiH imamo itekako veliku pomoć.

U TOKU RADOVI NA POSTAVLJANJU KANALIZACIONIH CIJEVI U B.PETROVCU

Načelnik općine Bosanski Petrovac Zlatko Hujčić i predsjednik PIT tima (Tima za upravljanje projektom) Huso Jukić, obišli su radilište u istočnom dijelu Bosanskog Petrovca, na kome se provodi projekat Izgradnje i rekonstrukcije kanalizacione mreže, navodi se na općinskoj web stranici.

Predsjednik PIT tima, upoznao je načelnika općine sa trenutnom situacijom na Projektu, obimu radova i idućim koracima u realizaciji.

U toku su finalni radovi na postavljanju cijevi i šahtova na dužini 1800 m, u istočnom dijelu Bosanskog Petrovca u okviru I faze projekta.

Uskoro počinju i radovi na iskopu i pripremi kanala za postavljanje cijevi, u ulici Bosanska, na dionici od Starog hotela do Mješovite srednje škole.

Projekat u Bosanskom Petrovcu je dio WAT SAN Projekta (Projekt vodoopskrbe i odvođenja otpadnih voda u Federaciji BiH) i predstavlja najveće ulaganje do sada u oblasti rješavanja vodoopskrbe, kanalizacionih problema općina i prečišćavanja otpadnih voda. U ovaj projekt rješavanja infrastrukturnih pitanja je uključena 21 općina u Federaciji Bosne i Hercegovine. Finansiranje osigurava Evropska investicijska banka dok je implementator Federalno ministarstvo poljoprivrede, vodoprivrede i šumarstva u okviru kojeg je uspostavljena Jedinica za upravljanje ovim projektom.




ŽEPČE, TEŠANJ I TESLIĆ ZAJEDNIČKI NASTUPAJU NA MEĐUNARODNOM SAJMU OPĆINA I GRADOVA 'NEXPO' U RIJECI

Općina Žepče, u partnerstvu sa općinama Tešanj i Teslić, nastupa na Međunarodnom sajmu gradova i općina jugoistočne Europe - "Nexpo 2013", koji se održava 26. i 27. septembra/rujna 2013. godine, u Centru Zameć u Rijeci.

Sajam se održava u organizaciji Mreže lokalnih vlasti jugoistočne Europe – NALAS koja okuplja više od 9.000 lokalnih samouprava iz 12 zemalja, a uz potporu Njemačko-hrvatske industrijske i trgovinske komore.

Inače, ovo je drugi sajam ovakve vrste. Prvi Nexpo sajam je održan 2011. godine u Sarajevu, uz učešće više od 100 izlagača i preko 2.000 učesnika iz više od 20 zemalja.





NEXPO 2013 Rijeka

podržana je od Deutsche Gesellschaft für Internationale Zusammenarbeit (GIZ).

Općinski načelnik Žepča Mato Zovko i direktorica Razvojne agencije Žepče Branka Janko susrest će se i sa vlasnicima poduzeća u Rijeci, koji su rodom iz Žepča, kako bi se razmijenila iskustva i razgovaralo o mogućnostima suradnje.

"Nexpo 2013" organiziran je pod pokroviteljstvom Predsjednika Republike Hrvatske, Ive Josipovića, a domaćini su Grad Rijeka i Grad Opatija, uz suorganizaciju Udruge gradova u RH i Udruge općina u RH.

Ovogodišnji međunarodni sajam lokalnih i regionalnih vlasti jugoistočne Europe okupit će cijeli niz izlagača i sudionika iz privatnog, javnog i civilnog sektora, 150 lokalnih i regionalnih jedinica, 50 privatnih poduzeća i investitora, te razvojne agencije i organizacije civilnog društva.

Općine Žepče, Tešanj i Teslić predstaviti će se na zajedničkim štandovima u sklopu zajedničke razvojne inicijative BEAR (Business excellence area), razvoj povoljnog poslovnog okruženja za privlačenje investicija. Ova inicijativa



DELEGACIJA OPĆINE GRADAČAC POSJETILA PARTNERSKI GRAD DÜREN



U okviru uspostavljenih partnerskih odnosa sa gradom Dürenom SR Njemačka, delegacija općine Gradačac predvođena općinskim načelnikom mr.sci. Edisom Dervišagićem boravila je od 15. do 18.09.2013. godine u radnoj posjeti gradu Dürenu SR Njemačka. Boravak je upriličen i planiran u cilju predstavljanja općine Gradačac na «Stadtfestu Düren», na kojem su promovisani privredni, turistički i kulturni potencijali općine Gradačac. Pored naše općine učešće na Stadtfestu uzeli su i ostali gradovi koji su uspostavili partnerske – bratske odnose sa gradom Dürenom i to: grad Stryj - Ukrajina, Jinhua –Kina,



Grb Općine Gradačac

Altmünster –Austrija, Karadeniz Ereğli – Turska, Valenciennes i Cormeilles - Francuska.

Delegacija općine Gradačac boravak u gradu Dürenu iskoristila je i za radnu posjetu komunalnom servisu «DSB Düren», a tom prilikom uručena je vrijedna donacija u vidu radne opreme –odjeće za JP «Komunalac» Gradačac.

U istom periodu i nastavku posjete, Općinski načelnik Edis Dervišagić i saradnici, zajedno sa gradonačelnikom grada Dürena gospodinom Paul Larijem posjetili su i tvornicu za preradu voća i povrća «Stollenwerk».

Fabrika Stollenwerk osnovana je 1935. godine, i danas je najveći proizvođač konzerviranog voća i povrća u Njemačkoj, sa vlastitim voznim parkom (kamioni i hladnjače).

Rade za velike trgovinske lance, kao što su ALDI i LIDL, imaju svoje pogone i u istočnoj Njemačkoj, kao i sestrinske firme u gradovima Karlsruhe Merzenichu, Kerpenu, a godišnji prihod im je 22 miliona eura.

U razgovoru sa vlasnicima ovog velikog prerađivača, istaknuti su potencijali općine Gradačac u proizvodnji voća, a posebno šljive i postignut je dogovor da predstavnici - delegacija ove fabrike i gospodin Paul Lari u narednom periodu posjete općinu Gradačac, kako bi se razmotrile realne mogućnosti ulaska «Stollenwerka» na područje općine Gradačac.

Obavljeni razgovori koji su vođeni u sklopu ove posjete veoma su obećavajući sa obostranom željom za mogućnosti saradnje u narednom periodu.



Grb Grada Düren-a

Savez općina i gradova Federacije Bosne i Hercegovine

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u



POSJETITE NAS NA WEB-U

WWW.SOGFBIH.BA

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba


Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.


Sa zadovoljstvom očekujemo vaše komentare, sugestije i primjedbe.

OPĆINE KOJE OBILJEŽAVAJU SVOJ DAN U MJESECU OKTOBRU/LISTOPADU

- **01. oktobar/listopad - Dan Općine Gornji Vakuf – Uskoplje.** Ovaj datum se od 2008. godine obilježava kao Dan Općine jer je na taj dan 2001. godine održana prva sjednica Prijelaznog općinskog vijeća novouspostavljene Općine Gornji Vakuf – Uskoplje.
- **02. oktobar/listopad - Dan Općine Tuzla.** Taj dan se tradicionalno obilježava kao sjećanje kada je Tuzla postala najveći oslobođeni grad u porobljenoj Evropi 1943. godine.
- **04. oktobar/listopad - Dan Općine Čapljina** i ujedno Dan Sv.Franje – zaštitnika župe Čapljina.
- **10. oktobar/listopad - Dan Općine Sanski Most.** Navedenog datuma 1995. godine oslobođeno je područje općine Sanski Most.
- **14. oktobar/listopad - Dan Općine Žepče.** Prvi pisani trag o ovome gradu datira na ovaj dan iz 1458. godine kada je «na Žepču» kralj bosanski Stjepan Tomaš, sa sinom knezom Stjepanom, dao povelju logotetu Stjepanu Ratkoviću.
- **15. oktobar/listopad - U Strazbourgu** je 15.10.1985. godine sačinjena Evropska povelja o lokalnoj samoupravi u originalu na engleskom i francuskom jeziku.
- **21. oktobar/listopad - Vlada Republike Bosne i Hercegovine** je 21.10.1994. godine donijela Uredbu o ratifikaciji Evropske povelje o lokalnoj samoupravi (V broj 174/94). Uredbu je potpisao predsjednik Vlade Republike Bosne i Hercegovine dr.Haris Silajdžić, a objavljena je u "Službenom listu RBiH", br.31 od 03. 11.1994. godine.
- **22. oktobar/listopad - Dan Općine Gradačac.** Tog dana u odbrani Gradačca 1992. godine zaustavljen je 'Oklopni voz' na prilazu gradu.
- **23. oktobar/listopad - Dan Općine Orašje.** Tog dana 1992. godine oslobođeno je selo Vidovice u oraškoj općini.



Gornji Vakuf-Uskoplje



Tuzla



Čapljina



Sanski Most



Žepče



Gradačac



Orašje

Savez / Zajedno za uređenu i razvijenu lokalnu samoupravu